



Kerneier Lyrik

Seite 1

Freizeit

Feierowed... von Heinrich Ehrlich

Rasch v'rschwind am Darfeend die Sunn,
Sie braucht aa die Ruh un waaß warum:
Muss sie doch spende Licht un Wärm
Dr Mensche uff unsrem Erdestern.

Hochglaade fahrt noch manchr Garwewaage,
Die Rädr kräxe un gehn schunbal v'rlaare.
Mied trappe hoomzuus di arme Ross,
Sie meeche doch aa mool ausm Joch.

Schun legt dr Oowed sei' Schlaajr aus,
Doch die Kinnr welle nett ins Haus.
Sie spiele uff dr Gass un toowe,
Bis die Mottr ruft: „Kummt hoom schloofe!“

Am Gewl noch a paar Männr sitze,
Sin mied, weil sie hart schaffe misse.
Sie plaudre iwr des un sel, bis ohnr sagt:
„Geh'mr in die Ruh! Gudi Nacht!“

Feierowed henn's letscht die Weiwr,
Die fleißich g'putzt un gweißlt henn die Heisr,
Weil am Sunntag is in Kernei
Zu Ehre dr Mottrgottes die Kerwei.

Bal wars im Darf still un ruhich,
Nar's Kricksl macht noch Muusich,
Die Fresch singe mit Freid ihre G'sang
Un di Kerchuur schlagt mit tiefem Klang.

Ooweds vun sieweni bis neini... von Nikolaus Schnauffer

Freizeit hott's schun gewe, na des wär jo glacht,
Un was hott'mr do so alles gmacht?

Zwische dr Maadle und dr Buuwe gibt's doch a Kuntakt,
Um sich kenne zu lerne, wie'mr so sagt.

Vieli Kumradschafte hott's gewe,
Des war dr Maadle und dr Buuwe ihr Leewe.



Kerneier Lyrik

Seite 2

Freizeit

So vier, finf Maadle war a Kumradschaft,
Aa bei dr Buuwe hott'mr's so gmacht.

Ooweds sin sie fartgange, in die Stuwe die Maadle,
Ohmool do un ohmool dart, schee' nach dr Raaje.

Des war vun sieweni bis neini uff die Nacht
Un die Buuwe sin kumme und henn die Maadle iwrrascht.

Un wie's halt so geht, wann Maadle und Buuwe beisamme sei',
Mr will unnr sich jo aa a bisl luschtich sei'.

Die Maadle henn gschlunge un gstrickt,
Die Buuwe henn die Woll durchenandr kriegt.

Do hott'mr halt g'kittrt un glacht
Un alli henn Spaß gmacht.

Oft hott'mr mitnandr Kartes gspielt,
Odr s'is gsunge warre a scheenes Lied.

Odr s'hott ohnr Spaß gmacht,
Un die anre henn glacht.

A Witzbold war s'meischt drbei
Un der hott v'rzählt allerlei.

Un so is'mr sich aa nächr kumme
Un so is a manchi Liebschaft glunge.

Des Beisammesei' war schun schee',
Karz waar's halt un do hott'mr misse hoomgeh'.

Un so hott'mr sich uff dr Weg gmacht,
Die meischte Maadle henn schun a Barscht (Freund) ghatt.

Do henn die Maadle beim Hoomgeh' ko Angscht ghatt,
Weil'mr war joo zu Zwatt.

Beim Maadl drhoom oo'kumme, hott'mr gsagt: Troomscht halt schee'
Was vun uns Zwaa, bis marje Oowed uff's Wiederseh'.



Kerneier Lyrik

Seite 3

Freizeit

Un die Mottr sagt: Ach du bischt jo schon do.
Wie ihr siegt Mottr, jo, jo!

S'is schon fascht Zehni,
Hätt'r so lang g'bärschtlit, ihr zwaa Scheeni?

S' Maadl sagt zu dr Mottr, ich hab schon gnung gnascht,
A Schokolaadi vun meim Barscht.

V'rootscht mich awr nett beim Vatr,
Sagt's Maadl zu dr Mottr mit ohme Lachr.

Die Mottr sagt: Du tuscht jo allmool siegje,
Un ich muss far am Vatr liegje.

Awr, awr Mottr, ihr ward doch aamool jung,
Jo, joo, hoscht recht Maadl un a dumm.

S' Maadl hott brav sei' Arweit gmacht
Un sich schon gfreit far um sieweni bis neini uff die Nacht.

Mr will doch widdr beisamme sei',
Vun sieweni bis neini.

Die Woch geht schnell rum,
Un samschtags gib'ts ko Treffje, des is doch zu dumm!

Ich hab g'pfiff beim Haus, wu mei' Mensch (Freundin) wohnt,
Un sie war aa schon haus, des hott sich glohnt.
Gschwint, gschwint a paar Busle gwechselt,
Sie sagt, ich muss nei'geh', um a paar Busle hott'r noch g'bettelt.

Schau, schau, sagt dr Vatr: Haw ich euch v'rwischt
Un dr armi Buu hott gschwitzt.

Dr Vatr sagt: Ich bin nett drgehje,
Wann dr brav seid, hätrr mei' Seegje.

Do is dr Buu widdr uffgwacht
Un alli zwaa henn herzlich glacht.

Dr Vatr zum Buu: Na kumm nar rei',



Kerneier Lyrik

Seite 4

Freizeit

Awr, muss des sei'?

Jo, joo sagt dr Vatr:
Jetz is gnung mit dem G'plappr!

Rei' in die Stub mit Dir,
Dr Vatr nemmt die Weiwleit in's Visier.

Ojee, ojee, sagt die Mottr
Un hott ganz schee' gstottrt.

S' Maadl blass wie die Wand,
Angscht far am Vatr sei' rechte Hand.

Gar nix is passiert, dr Vatr war gut glaunt
Un die Weiwleit henn gstaunt.

So, sagt dr Vatr: Hinnr meim Rucke heert des jetz uff
Un do trinke'mr alli Vieri druff!

S' Maadl noch v'schreckt, un'mr sigt, wie schee' sie is
Un ganz rot war sie im Gsicht.

S' Maadl zum Vatr: Ihr hätt's gwisst vun uns zwaa?
Er sagt: Schun lang, des is eh klar!

Un ihr hätt nie was gsagt zu mir?
Ja, Kind, ich war joo aa mool jung, wie ihr!

V'rliebt zu sei', des nährt die Seel un is aa noch soo schee',
Un sagt allne Leit, die's leese, a Dankschee'.